

DEALBH-OBRACH & PACA-IARRTAIS-OBRACH



Dreuchd	Einseanair Pròiseict
Cunntachail gu	Manaidsear Obrachaidh (Teicneòlas)
Stèidhichte	Steòrnabhagh
Deit dùnaidh airson tagraidhean	1 Giblean 2022, 12f
Agallamhan	6 Giblean 2022 – oifis Steòrnabhaigh

23 Màrt 2022

A thagraiche chòir

IARRTAS OBRACH – EINNSEANAIR PRÒISEICT

Taing airson d' ùidh san dreuchd airson Einnseanair Pròiseict.

Tha sinn a' sireadh neach a tha eòlach a bhith ag obair mar Einnseanair Pròiseict, le sealladh math air obair agus sàr sgilean conaltraidh agus eadar-phearsanta. Bu chòir eòlas einnseanaireachd agus eachdraidh dhearbhte a bhith aig an neach-dreuchd a bhith a' lìbhrigeadh pròiseactan bun-structair craolaidh is riochdachaidh sònraichte. Tha an dreuchd airson teirm stèidhichte de mhìosan 12 agus tha e ag amas air pròiseactan a lìbhrigeadh a leigeas le gluasad air falbh bho shiostaman fuaim craolaidh traidiseanta agus gu bun-structar fuaim stèidhichte air IP / Cloud. A thuilleadh air an seo bidh cuid de phròiseactan bun-structair bhidio ann agus gabhaidh an dreuchd uallach cuideachd airson cumail suas VTRan craolaidh.

Tha e a' toirt toileachas dhuinn am paca-iarrtais-obrach a chur an cois seo.

Gus tagradh a chur a-steach, cuir thugainn litir-chòmhdachaidh agus an CV agad le iomradh air do sgilean, eòlas agus comasan, a' cur aire shònraichte air an Sònrachas Obrach. Bu mhath leinn cluinntinn mu do chomasan agus eòlas bhon dà chuid obraichean pàighte agus saor-thoileach. Ma tha thu ag iarraidh còmhradh neo-fhoirmeil mun obair agus mun chothrom, cuir fios gu Claire NicLeòid, Comhairliche HR, air hr@mgalba.com agus cuiridh sinn air dòigh àm freagarrach airson còmhradh.

Bu chòir dhut do thagraidh a chur a-steach ro **12f Dihaoine 1 Giblean 2022** gu hr@mgalba.com. Cha tèid beachdachadh air tagraidhean a thèid an cur a-steach an dèidh seo.

Thèid agallamhan a chumail Dimàirt 6 Giblean 2022.

Le dùrachd



Dòmhnall Caimbeul
ÀRD-OIFIGEAR

MU AR DEIDHINN

Cò sinn?

Tha MG ALBA (Seirbheis nam Meadhanan Gàidhlig) a' ruith na seanail Ghàidhlig **BBC ALBA** ann an com-pàirteachas leis a' BhBC. Tha uallach oirnn cuideachd airson [FilmG](#), [LearnGaelic](#) agus [SpeakGaelic](#) ann an co-bhanntachd le com-pàirtichean eile.



Tha fiosrachadh cudromach mu ar n-amasan agus ar toraidhean airson na bliadhna seo ri fhaighinn nar [Plana Obrachaidh 2021/22](#).

Càite bheil sinn?

Tha sinn stèidhichte ann an Steòrnabagh, le làthaireachd cuideachd ann an Glaschu agus Inbhir Nis

Ar Luchd-obrach & Am Bòrd

Tha 44 [neach-obrach](#) againn, le [Bòrd](#) de 9.

Ar n-Àrainneachd Obrach

Thathas ag obair le dòigh obrach firinneach, fosgailte agus eadar-obrachail. Tha guth gach neach nar sgioba a' cunntadh. Thathas a' co-roinn nas urrainn dhuinn de dh'fhiosrachadh gus am bi fios aig gach neach ciamar a tha am buidheann a' dèanamh, ciamar a tha sinn uile a' cur ri sin agus ciamar as urrainnear a bhith fiùs nas fheàrr nar n-obair.

Thathas pròiseil gun do choilean sinn barantachadh bhon taobh a-muigh bho *Broadcast Best Places to*



Work in TV airson sia bliadhna co-leantaileach, Inbhe Platinum bho *Creideas nar Cosnaichean* agus Inbhe Òir bho *Creideas nar Cosnaichean Òga*. Thathas dealasach ann a bhith a' dèanamh nas urrainn dhuinn gu bheil ar daoine fallain agus air an coimhead às an dèidh, ag obair le *Healthy Working Lives Awards agus We Invest in Wellbeing* bho Chreideas nar Cosnaichean gus seo a choileanadh.

Ullachaidhean Chorporra agus Shòisealta

Mar bhuidheann, thathas làn dhealasach mur Ullachaidhean Chorporra agus Shòisealta, a tha air an coileanadh ann an ioma dòigh, nam measg tro ar Poileasaidh Àrainneachd, ar Poileasaidh Fastaidh agus ann an tabhartasan seach airgead chun choimhearsnachd agus buidhnean carthannais. Thathas gu cunbhalach a' toirt seachad eòlas saor an-asgaidh agus uidheamachd gu tachartasan ionadail togail airgid, dannsan carthannais, farpaisean cheist, cuirmean dhuaisean agus bithear cuideachd a' toirt taic do riochdachadh bhidiothan foillseachadh carthannais, tachartasan spòrs, bùithtean-obrach cultarail agus foghlaim agus tachartasan film/Mòd.

DREUCHD EINNSEANAIR PRÒISEICT

Cùl-fhiosrachadh

Tha na meadhanan Gàidhlig, coltach ri gach meadhan eile, a' dol tro atharrachadh brìgheil. Tha seo an dà chuid dùbhlach agus brosnachail.

Is e cothrom inntinneach a tha seo do phroifeasantach margaidheachd/tachartasan aig a bheil eòlas a thighinn cuide ris an Sgioba Conaltraidh aig MG ALBA ann an dreuchd Oifigear Conaltraidh Corporra. Stèidhichte taobh a-staigh ar n-oifis ann an Steòrnabhagh, cuiridh an neach gu mòr ri lìbhrigeadh ro-innleachd conaltraidh corporra còmhla ris an Stiùiriche Ro-innleachd & Chùisean Taoibh A-Muigh agus a' toirt taic don Àrd-Oifigear, Sgioba Àrd-stiùiridh MG ALBA, Bòrd MG ALBA agus thar sgiobaidhean MG ALBA san fharsaingeachd.

Is e dreuchd teirm stèidhichte 12-mìos a tha seo a' toirt seachad taic einnseanaireachd pròiseict gus leigeil le gluasad air falbh bho shiostaman fuaim craolaidh traidiseanta agus a dh'ionnsaigh bun-structar fuaim stèidhichte air IP/Cloud. Tha an dreuchd stèidhichte taobh a-staigh ar Sgioba Obrachaidh ann an Steòrnabhagh. Bidh feum air obair feasgair agus deireadh-sheachdain agus cuideachd siubhal gu àiteachan eile.

Daoine

Bidh na prìomh feartan a leanas aig an tagraiche freagarrach againn:

- Deònach a bhith mar phàirt de sgioba thrang agus làn spionnadh
- Sàr-sgilean eadar-phearsanta agus conaltraidh
- A bhith brosnachta agus fèin-thòiseachaidh
- Sàr eòlas air gach taobh de thelebhisean craolaidh, le fòcas air lìbhrigidh phrògraman, riochdachadh telebhisein, conaltradh, iar-riochdachadh
- Eòlas làidir air bun-structar craolaidh gu sònraichte routers, *mixers vision agus audio*, iar-riochdachadh fuaim is bhidio neo-loidhneach

An dreuchd

Bidh an Einneanair Pròiseict cunntachail don Mhanaidsear Obrachaidh (Teicneòlas). Am measg prìomh eileamaidean na dreuchd tha:

- Cuibhreannachadh nan siostaman fuaim loidhneach a th' ann an-dràsta
- Cleachdadh bun-structar fuaim AES67
- Stèidhich pròiseasan clàraidh guth gu dealbh aig astar
- Cleachdadh siostaman intercom IP an cois an intercom a th' ann an-dràsta
- Tog agus cuir an sàs siostam claisneachd OB airson dealbhadh
- Stèidhich prògram cumail suas airson VTRan
- Ag aithris air adhartas pròiseict
- Gabh pàirt ann an coinneamhan planaidh airson raon de phròiseactan

Ar Luachan

'S iad na luachan againn na prìomh phrionnsabalan a bhios a' stiùireadh ar n-obrach. Tha iad a' sònrachadh nam prìomhachasan againn agus tha iad mar bhun-stèidh anns gach rud a nì sinn.

Cruthachalachd

- Tha sinn a' comasachadh cruthachadh sàr-shusbaint Ghàidhlig

Luchd-amhairc

- Tha sinn air ar fiosrachadh agus air ar brosnachadh le ar luchd-amhairc

Àrd-amas

- Tha sinn ag amas air agus a' libhrigeadh sàr-mhathas

Co-bhanntachd

- Tha sinn a' coileanadh tro cho-obrachadh

Spèis

- Tha sinn ag èisteachd; tha sinn a' brosnachadh; tha sinn cothromach

FIOSRACHADH TAGRAIDH

Prìomh Chinn-là

Tagraidhean fosgladh	23 Màrt 2022
Deit dùnaidh	1 Giblean 2022, 12f
Agallamhan	6 Giblean 2022

Pròiseas Taghaidh

Tha am pròiseas taghaidh air a chur a-mach ann am [Poileasaidh Fastaidh MG ALBA](#).

Pannal Taghaidh

Stiùiriche Ro-innleachd & Chùisean Taoibh A-Muigh, Manaidsear Obrachaidh (Technology) le taic bhon Chomhairliche HR.

Sgrùdadh Co-ionannachd Chothroman

Tha sinn nar fastaichean co-ionannachd chothroman agus bithear a' cumail sgrùdadh air dàta fastaidh. Cuiribh crìoch air an fhoirm an cois seo, a tha a rèir reachdas GDPR.

Tagraichean Ciorramach

Cuirear fàilte air tagraidhean bho dhaoine ciorramach agus tha sinn a' gabhail pàirt san Sgeama Agallamh Barantas Obrach airson tagraichean a tha air iad fhèin a mheasadh mar chiorramach agus a tha a' coileanadh nan slatan-tomhais aig an ìre as ìsle airson dreuchd bhàn.

Rèitearan

Thèid fios a chur gu dà rèitire nuair a thèid gabhail ri tairgse obrach cumhach. Cha tèid fios a chur gu rèitire gun ur cead.

Dàimh le Ball Bùird / Oifigear / Strì eadar Chom-pàirtean

Bu chòir dàimhean le buill bùird no luchd-obrach, no strì chom-pàirtean ann an dà-riribh na dh'fhaodadh a bhith air fhaicinn mar strì chom-pàirtean a chur am follais san tagradh.

GDPR

Thèid dàta pearsanta taobh a-staigh ur tagradh a phròiseasadh, a chumail agus a chur ann an tasglann/cur às dheth a rèir [Sanas Priobhaideachd MG ALBA](#).

GEÀRR-IOMRADH AIR TEIRMEAN IS CUMHAICHEAN NA H-OBACH

Ìre	D1
Tuarastal	£33,500-£37,603 gach bliadhna
Fòrladh bliadhnail	25 là + 12 saor-làithean poblach
Peinnsean	Sgeama Peinnsein Tabhartas Sònraichte, cuiridh MG ALBA 10% den tuarastal bliadhnail, a' dol suas gu 15% ma chuireas an neach-obrach tabhartas de 5% ris
Bàs ann an Seirbheis	4 x Tuarastal Bliadhnail
Sochairean Eile	Gus dòigh beatha fhallain a bhrosnachadh thathas a' tairgse ballrachd <i>gym</i> . Tha dòighean-obrach math teaghlaich agus sùbailte againn agus thathas a' tairgse sgeama rothaireachd.

Sgeama Pàigheadh Tinneis

Seirbheis suas gu dà bhliadhna	Làn-pàigheadh 1-mhìos agus leth-pàigheadh 1 mhìos, ann an aon bhliadhna
An-dèidh seirbheis 2 bhliadhna	Làn-pàigheadh 2-mhìos/leth-pàigheadh 2 mhìos, ann an aon bhliadhna
An dèidh seirbheis 3 gu 4 bliadhna	Làn-pàigheadh 3-mìosan/leth-pàigheadh 3 mìosan, ann an aon bhliadhna
An-dèidh seirbheis 5 bliadhna	Làn-pàigheadh 4-mìosan/leth-pàigheadh 4 mìosan, ann an aon bhliadhna

Ionnsachadh & Leasachadh

Tha e riatanach gum bi plana Ionnsachaidh agus Leasachaidh aig gach neach-obrach a ni comasach dhaibh fàs nas èifeachdaich nan obair agus na h-amasan bliadhnail obrach aca a choileanadh. Thathas a' brosnachadh teisteanasan proifeasanta.

Gàidhlig

Is e a' Ghàidhlig cànan obrach MG ALBA. Feumaidh an dreuchd seo ìre làidir de chomas sa chànan. Thèid taic a thoirt do gach tagraiche a tha airson tuilleadh leasachaidh a dhèanamh air a' cheangal aca ris a' Ghàidhlig.

Tuilleadh Fiosrachaidh

Airson còmhradh neo-fhoirmeil mu pìos sam bith den obair, cuiribh fios gu hr@mgalba.com agus thèid àm freagarrach a chur air dòigh airson còmhradh.

DEALBH-OBACH

Tìotal-obrach	Einnseanair Pròiseict	Ìre	D1	Uaireannan Seachdainneach	37
Stèidhichte	Steòrnabhagh				
Amas	Eòlas einnseanaireachd a thoirt seachad gus pròiseactan bun-structair craolaidh is riochdachaidh sònraichte a libhrigeadh. Tha na pròiseactan gu sònraichte ag amas air gluasad air falbh bho shiostaman fuaim craolaidh traidiseanta agus a dh'ionnsaigh bun-structar fuaim stèidhichte air IP / Cloud. A thuilleadh air an seo bidh cuid de phròiseactan bun-structair bhidio ann agus gabhaidh an dreuchd uallach cuideachd airson cumail suas VTRan craolaidh..				
Cunntachail do	Manaidsear Obrachaidh (Teicneòlas)				
Le uallach airson	<ul style="list-style-type: none"> • Libhrigeadh teicnigeach de phròiseactan bun-structair craolaidh a rèir loidhne-ama pròiseict aontaichte • A' cumail taic ri agus a' cumail suas raon de uidheamachd craolaidh is IT • Thoir seachad comhairle theicnigeach agus eòlas mu ghnìomhan obrachaidh agus phrògraman • Conaltradh le daoine/buidhnean (taobh a-muigh agus a-staigh) • Cur an sàs bun-structar teicnigeach maireannach agus sealach gus coinneachadh ri iarrtasan MG ALBA a tha a' sìor atharrachadh. 				
Dàimhean obrach	<ul style="list-style-type: none"> • A h-uile raon de MG ALBA far a bheil feum air goireasan teicnigeach • BBC • Riochdairean Neo-eisimeileach BBC ALBA • Luchd-reic teicneòlais agus solaraichean uidheamachd 				
Prìomh Thoraidhean	<ul style="list-style-type: none"> • Cur an gnìomh shiostaman a fhreagras air plana teicneòlas MG ALBA • Ceartachadh àmail air cùisean teicnigeach sam bith • Pròiseactan teicneòlais air ann coimeasanadh a rèir an t-sònrachadh a tha a dhìth. 				
Prìomh gnìomhan	<p>Ag obair leis a' Mhanaidsear Obrachaidh (Teicneòlas) a rèir loidhne-tìmh pròiseict comharraichte:</p> <ul style="list-style-type: none"> • Cuibhreannachadh nan siostaman fuaim loidhneach a th' ann an-dràsta • Cleachdadh bun-structar fuaim AES67 • Stèidhich pròiseasan clàraidh guth gu dealbh aig astar • Cleachdadh siostaman intercom IP an cois an intercom a th' ann an-dràsta • Tog agus cuir an sàs siostam claisneachd OB airson dealbhadh • Stèidhich prògram cumail suas airson VTRan • Ag aithris air adhartas pròiseict • Gabh pàirt ann an coinneamhan planaidh airson raon de phròiseactan • 				
Sgilean bunaiteach	<p><i>Deatamach</i></p> <ul style="list-style-type: none"> • Ceum ann an cuspair teicneòlas iomchaidh agus/no eòlas iomchaidh • Sàr eòlas air gach taobh de thelebhisean craolaidh, le fòcas air libhrigidh phrògraman, riochdachadh telebhisein, conaltradh, iar-riochdachadh • Eòlas làidir air bun-structar craolaidh gu sònraichte routers, mixers vision agus audio, iar-riochdachadh fuaim is bhidio neo-loidhneach • Eòlas air conaltradh <i>Telos Infinity</i> agus <i>Trilogy Mentor</i> • Tuigse dhomhainn air siostaman craolaidh traidiseanta agus IP • Eòlas làidir RF, ceanglaichean agus siostaman <i>talkback</i> rèidio • Sàr eòlas agus tuigse air siostaman <i>intercom</i> • Tuigse agus eòlas air protocolaidhean AES67, ST2020 & 2110 • Comasach air cleachdadh siostaman solarachaidh dealain • Comasach air siostaman craolaidh IT a chleachdadh • Dòigh-obrach phractaigeach a thaobh fuasgladh cheistean gus rudan briste a cheartachadh agus/no dòigh fhaighinn timcheall air cùisean • A bhith air chomas uidheamachd a ghluasad gu gach àite iomchaidh • Comasach air gnìomhan a phlanadh, prìomhachasadh èifeachdach agus ùine fhèin a riaghladh 				

	<ul style="list-style-type: none"> • Deònach oideachadh, leasachadh agus stiùireadh a thoirt do Obrachaidhean Theicneòlais, a' stiùireadh le eisimpleir • Sgilean conaltraidh math • Comasach air obrachadh fo chuideam agus coinneachadh ri cinn-ama teann • Comhfhurtaile le bhith ag obair aig àirde, leotha fhèin agus a bhith a-muigh ann an droch shìde • Fileanta sa Ghàidhlig <p><i>Miannaichte</i></p> <ul style="list-style-type: none"> • Teisteanas <i>Dante</i> 1-3 • Sgilean <i>Autocad</i> • Teisteanas ann an sgrùdadh seirbheis agus deuchainn
Riosg	<ul style="list-style-type: none"> • Fo Mhodail Riaghladh Cunnairt MG ALBA, thathas a' faicinn cunnart mar rud a tha a' buntainn ris a h-uile duine. • Mar sin, tha uallach air gach neach-dreuchd beachdachadh air cunnart an-còmhnaidh, a' toirt a-steach uallach a bhith ag aithris/a' beachdachadh air cunnartan, cunnartan a dh'fhaodadh nochdadh, maothachadh cunnairt agus/no cùisean don Mhanaidsear Loidhne aca no do bhuill Buidheann Riosg Corporra. • Bidh na Clàran Riosg mìosail as ùire rim faicinn air SharePoint agus thathas a' brosnachadh luchd-dreuchd iad sin a leughadh gu cunbhalach. • Bu chòir do gach neach-dreuchd a bhith deònach beachdachadh air cunnart aig measaidhean luchd-obrach agus/no amannan còmhraidh obrach
Fad na h-obrach	Teirm shuidhichte 12 mìos